

22. AL-HAJJ (AJEI)
Suet ke-22: 78 ayat

Ngen sebut gen Allah Maho Pengasiak,
Maho Penyayang.

بِسْمِ اللَّهِ الرَّحْمَنِ الرَّحِيمِ

1. Woi manusio ! taqwa ba udi ngen Tuhan, sebab goncangan-goncangan diterjije padao bilei kiamat, ade ba malapetaka di amat dahsyat.

يَتَأْتِيهَا النَّاسُ اتَّقُوا رَبَّكُمُ ۚ إِنَّ زَلْزَلَةَ السَّاعَةِ
شَيْءٌ عَظِيمٌ ﴿١﴾

2. Bayangkan ba, pado bilei udi manek malapetaka o, lupu ba kete di menyusu kuda anak di senusu, dan kete ditemwan kandungan, gemogoa kandungan ne seati sapei waktau ne, serto udi manek kulo manusio awei mabuk, tapi kerno sikso Tuhan ba di benea-benea sangat hebat.

يَوْمَ تَرَوْنَهَا تَذْهَلُ كُلُّ مُرْضِعَةٍ عَمَّا أَرْضَعَتْ
وَتَضَعُ كُلُّ ذَاتِ حَمَلٍ حَمْلَهَا وَتَرَى النَّاسَ
سُكَرَىٰ وَمَا هُمْ بِسُكَرَىٰ وَلَٰكِنَّ عَذَابَ اللَّهِ
شَدِيدٌ ﴿٢﴾

3. Nak antaro manusio, ade di membantah sifet-sifet ngen perbuatan Allah tanpa ilmeu pengetahuan, dan membabi buto temotoa bisikan setan.

وَمِنَ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَيَتَّبِعُ
كُلَّ شَيْطَانٍ مَّرِيدٍ ﴿٣﴾

4. Yaitu setan do be tentep atas ne menurut takdir; api di temotoa si, mako si akan semset tun o dan mengendalikannya mai lem jurang sikso nerako.

كُتِبَ عَلَيْهِ أَنَّهُ مَنْ تَوَلَّاهُ فَأَنَّهُ يُضِلُّهُ وَيَهْدِيهِ إِلَى
عَذَابِ السَّعِيرِ ﴿٤﴾

5. Woi manusio, amen udi maseak sanksi tentang teko ne bilei terbangkit, mako cubo renung urutan kejadian udi, mulaine tercipta kunai pitak, kemudian kunai setetes mani, kemudian segumpal daleak, kemudian sebingkah daging, ade di genep bulen ne dan ade kulo di coa genep bulen ne, justru Tuhan lak jemlas kebijaksanaan Ne ngen udi. Selanjut ne Tuhan temmot janin-janin o nak lem rahim menurut kehendak Ne selamo onor kandungan kemudian Tuhan kemluea udi kunai rahim idok udi sebagei bayi. Lalu Tuhan memelihara hingo dengan ber ansur-ansur awak udi ijei tegap dan dewasa. Di

يَتَأْتِيهَا النَّاسُ إِنْ كُنْتُمْ فِي رَيْبٍ مِّنَ الْبَعْثِ فَإِنَّا
خَلَقْنَاكُمْ مِّن تُرَابٍ ثُمَّ مِّن نُّطْفَةٍ ثُمَّ مِّن عِلْقَةٍ ثُمَّ
مِّن مُّضْغَةٍ مُّخَلَّقَةٍ وَعَيْرٍ مُّخَلَّقَةٍ لِّنُبَيِّنَ لَكُمْ ۚ وَنُقِرُّ فِي
الْأَرْحَامِ مَا نَشَاءُ إِلَىٰ أَجَلٍ مُّسَمًّى ثُمَّ نُخْرِجُكُمْ
طِفْلًا ثُمَّ لَتَبَلَّغُوا أَشَدَّكُمْ ۗ وَمِنْكُمْ مَّن
يُتَوَفَّىٰ وَمِنْكُمْ مَّن يُرَدُّ إِلَىٰ أَرْذَلِ الْعُمُرِ

<p>antaro udi ade di wafatkan, dan ade kulo di nlei omor pajang sapei pikun sehingga si coa namen igei jano-jano di bi o pernah si namen. Selanjutne udi manek bumei yo gersang, namun amen Tuhan temu un ujen, taneak o ijei subur, lalu pacak temoak macam-macam tanem boak-boak di baik ne.</p>	<p>لِكَيْلَا يَعْلَمَ مِنْ بَعْدِ عِلْمٍ شَيْئًا ۚ وَتَرَى الْأَرْضَ هَامِدَةً فَإِذَا أَنْزَلْنَا عَلَيْهَا الْمَاءَ اهْتَزَّتْ وَرَبَّتْ وَأَنْبَتَتْ مِنْ كُلِّ زَوْجٍ بَهِيحٍ ﴿٥٤﴾</p>
<p>6. Di mnea kdeu-kdeu kejadian o, ade ba Tuhan yang maha benar. Si ba di midup kete di matei dan Si kulo maha bekuaso atas segalagalo ne.</p>	<p>ذَٰلِكَ بِأَنَّ اللَّهَ هُوَ الْحَقُّ وَأَنَّهُ يُخَيِّطُ الْمَوْتَىٰ وَأَنَّهُ عَلَىٰ كُلِّ شَيْءٍ قَدِيرٌ ﴿٥٥﴾</p>
<p>7. Sesonggoakne kiamat o pasti terjadi, coa ade kesangsian pado ne. dan bahwa Tuhan membangkitkan kete di ade lem koboa.</p>	<p>وَأَنَّ السَّاعَةَ آتِيَةٌ لَا رَيْبَ فِيهَا وَأَنَّ اللَّهَ يَبْعَثُ مَنْ فِي الْقُبُورِ ﴿٥٦﴾</p>
<p>8. Nak antaro manusio ade di membanta keasaan Allah tanpa ilmeu, tanpa keterangan, dan tanpa wahyu yang memberi cahaya magea atei dan pikiran.</p>	<p>وَمِنَ النَّاسِ مَنْ يُجَادِلُ فِي اللَّهِ بِغَيْرِ عِلْمٍ وَلَا هُدًى وَلَا كِتَابٍ مُنِيرٍ ﴿٥٧﴾</p>
<p>9. Si “muang muko” amen tenujuk di benea, untuk mbin sesat manusio kunai agama Allah. Si mendapat kehinaan didunio, sedangkan pado bilei kiamat akan Tuhan mageak mageu si sikso nebem dimenghanguskan.</p>	<p>ثَانِي عَطْفِهِ ۗ لِيُضِلَّ عَنْ سَبِيلِ اللَّهِ لَهُ فِي الدُّنْيَا خِزْيٌ ۖ وَنُذِيقُهُ يَوْمَ الْقِيَامَةِ عَذَابَ الْحَرِيقِ ﴿٥٨﴾</p>
<p>10. Lalu nadeak magea si: “sikso nebem yo akibat keduei tangen udi si. Dan Allah coa gi menganiaya hamba-hamba Ne.</p>	<p>ذَٰلِكَ بِمَا قَدَّمْتَ يَدَاكَ وَأَنَّ اللَّهَ لَيْسَ بِظَلَمٍ لِّلْعَبِيدِ ﴿٥٩﴾</p>
<p>11. Dan di antaro manusio ade di beribadat kepada Allah secaro setengeak-setengeak, jika si dapat keberuntungan, si meding senang menganut agamo o, sebalik ne amen si dapat kerugian, si berbalik ijei engkar. Si merugei baik nak denio maupun nak akhirat. Krugian demikian, ialah kerugian di amat nyato.</p>	<p>وَمِنَ النَّاسِ مَنْ يَعْبُدُ اللَّهَ عَلَىٰ حَرْفٍ فَإِنْ أَصَابَهُ خَيْرٌ أطمَأَنَّ بِهِ ۚ وَإِنْ أَصَابَتْهُ فِتْنَةٌ أُنْقَلَبَ عَلَىٰ وَجْهِهِ ۗ خَسِرَ الدُّنْيَا وَالْآخِرَةَ ۚ ذَٰلِكَ هُوَ الْخُسْرَانُ الْمُبِينُ ﴿٦٠﴾</p>
<p>12. Si sembeak seleyen Tuhan, di coa baka semuseak si nak denio amen coa sembeak si, dan coa akan mlei manfaat jano-jano bagi ne</p>	<p>يَدْعُوا مِنْ دُونِ اللَّهِ مَا لَا يَضُرُّهُ وَمَا لَا يَنْفَعُهُ</p>

<p>nak akhirat kaleu sembeak si. Pola di awei o ade ba kesesatan nak lem jarak di oak.</p>	<p>ذَلِكَ هُوَ الضَّلَالُ الْبَعِيدُ ﴿١٢﴾</p>
<p>13. Tobo o tun-tun murtad o berseru magea toko-toko sembahan ne, di binyato uleak tobo o bahwa bahayo mudhorat ne lebeak paak kunai manfaat ne, bahwa toko-toko ne o penuling dipaling kjahat serto kuat bergaul dipaling buruk.</p>	<p>يَدْعُوا لِمَنْ ضَرُّهُ أَقْرَبُ مِنْ نَفْعِهِ ۚ لَيْسَ الْمَوْلَىٰ وَلَيْسَ الْعَشِيرُ ﴿١٣﴾</p>
<p>14. Sesonggoak ne Tuhan memasukkan tun-tun di berimen dan dikemrejo amal saleh mai lem syurgi di dew biou-biou mengalou nak lem ne. sesonggoak ne Tuhan berbuat awei ipe dikenlakNe.</p>	<p>إِنَّ اللَّهَ يُدْخِلُ الَّذِينَ ءَامَنُوا وَعَمِلُوا الصَّالِحَاتِ جَنَّاتٍ تَجْرِي مِنْ تَحْتِهَا الْأَنْهَارُ ۚ إِنَّ اللَّهَ يَفْعَلُ مَا يُرِيدُ ﴿١٤﴾</p>
<p>15. Api pet di menyangka bahwa Tuhan coa akan temulung Muhammad baik tang dunio maupun nak akhirat, lebeak baik si pek tilei mai lenget-lenget umeak ne untuk gematung direi. Namun lak kulo si meker: dapetka ca o ne o melaput gis atei ne?</p>	<p>مَنْ كَانَ يَظُنُّ أَنْ لَنْ يَنْصُرَهُ اللَّهُ فِي الدُّنْيَا وَالْآخِرَةِ فَلْيَمْدُدْ بِسَبَبٍ إِلَى السَّمَاءِ ثُمَّ لِيَقْطَعْ فَلْيَنْظُرْ هَلْ يُذْهِبَنَّ كَيْدَهُ مَا يَغِيطُ ﴿١٥﴾</p>
<p>16. Wi o ba Tuhan bi temu un al-quran, merupokan keterangan-keterangan di amat nyato, dan bahwasane Tuhan mlei petunjuk ngen tun dikenlak Ne.</p>	<p>وَكَذَلِكَ أَنْزَلْنَاهُ ءَايَاتٍ بَيِّنَاتٍ وَأَنَّ اللَّهَ يَهْدِيَ مَنْ يُرِيدُ ﴿١٦﴾</p>
<p>17. Sesonggoakne terhadap tun mukmin, tun Yahudi, tun Sabiin, tun Nasrani, tun Majusi dan tun Musyrik baka nlei keputusan hukum uleak Tuhan pado bilei kiamat antaro sesamo ne, kerno Tuhan sungguh-sungguh bi manek kete ne.</p>	<p>إِنَّ الَّذِينَ ءَامَنُوا وَالَّذِينَ هَادُوا وَالصَّابِئِينَ وَالنَّصْرَىٰ وَالْمَجُوسَ وَالَّذِينَ أَشْرَكُوا ۚ إِنَّ اللَّهَ يَفْصِلُ بَيْنَهُمْ يَوْمَ الْقِيَامَةِ ۚ إِنَّ اللَّهَ عَلَىٰ كُلِّ شَيْءٍ شَهِيدٌ ﴿١٧﴾</p>
<p>18. Janokah udi coa manek, bahwa kepada Tuhan bersujud kete di ade nak lenget dan kete di ade nak bumei, wi o kulo matei bilei, bulen, bintang, tebo, pun-pun kyuw, binatang dan sebagian besar manusio? Dan dew kulo diantaro tobo o bi tentep sikso bagi ne, kerno enggan bersujud. Dan api di nimak Tuhan, coa ade dikup pun di dapet mujei ne.</p>	<p>أَلَمْ تَرَ أَنَّ اللَّهَ يَسْجُدُ لَهُ مَنْ فِي السَّمَوَاتِ وَمَنْ فِي الْأَرْضِ وَالشَّمْسُ وَالْقَمَرُ وَالنُّجُومُ وَالْجِبَالُ وَالشَّجَرُ وَالذَّوَابُّ ۚ وَكَثِيرٌ مِّنَ النَّاسِ ۗ وَكَثِيرٌ حَقَّ عَلَيْهِ الْعَذَابُ ۗ وَمَنْ يُهِنِ اللَّهُ فَمَا لَهُ مِن مُّكْرَمٍ ۚ إِنَّ</p>

bahwasa ne Tuhan bekenea sesuai awei kenlakne.

اللَّهُ يَفْعَلُ مَا يَشَاءُ ﴿١٨﴾

19. Duei golongan diberbeda pendapat yo, beseleseak mengenai Tuhan. Mako untuk golongan di engkar; bi seniap pakei kunai opoi nerako, seniram ngen bioa mgelgak (mendidi) kunai das uleu ne.

﴿١٩﴾ هَذَانِ خَصْمَانِ اخْتَصَمُوا فِي رَبِّهِمْ فَالَّذِينَ كَفَرُوا قُطِعَتْ لَهُمْ ثِيَابٌ مِّنْ نَّارٍ يُصَبُّ مِنْ فَوْقِ رُءُوسِهِمُ الْحَمِيمُ ﴿٢٠﴾

20. Shinggo ajoa lumet kete isei tenei ne, wi o kulo babak (kulit) ne.

﴿٢١﴾ يُصَهَّرُ بِهِ مَا فِي بُطُونِهِمْ وَالْجُلُودُ

21. Alat penyikso ne pecut kudao besei.

﴿٢٢﴾ وَهُمْ مَّقْمَعٌ مِّنْ حَدِيدٍ

22. Sertiep tobo o berupaya lak keluea kunai sikso kerna dahsat ne, tobo o neleak igei mai lem ne, niing kulo kecek “keding aseu ne uleak udi”!

﴿٢٣﴾ كُلَّمَا أَرَادُوا أَنْ يَخْرُجُوا مِنْهَا مِنْ غَمٍّ أُعِيدُوا فِيهَا وَذُوقُوا عَذَابَ الْحَرِيقِ ﴿٢٤﴾

23. Sesonggoak ne Tuhan memasukkan tun di berimen serto kemakok amal di baik ne mai lem syurgo, di dew mengalao bioa nak lem ne. tobo o nlei perhiasan gelang emas nak tangan ne, dan mahkota bertatah mutiara nak uleu ne. sedangkan pakei ne ade ba sutra.

﴿٢٥﴾ إِنَّ اللَّهَ يُدْخِلُ الَّذِينَ ءَامَنُوا وَعَمِلُوا الصَّالِحَاتِ جَنَّاتٍ تَجْرِي مِنْ تَحْتِهَا الْأَنْهَارُ يُخَلَّوْنَ فِيهَا مِنْ أَسَاوِرَ مِنْ ذَهَبٍ وَلُؤْلُؤًا وَلبَاسُهُمْ فِيهَا حَرِيرٌ ﴿٢٦﴾

24. Tobo o dipimpin kulo mucep kato-kato di baik dan bi tenujuk kulo dalen di baik ne

﴿٢٧﴾ وَهُدًوًا إِلَى الطَّيِّبِ مِنَ الْقَوْلِ وَهُدًوًا إِلَى صِرَاطٍ الْحَمِيدِ ﴿٢٨﴾

25. Sesonggoak ne tobo di engkar dan temgeak tun leyen untuk menganut agama Allah dan mengunjungu Masjidil Haram do bi sudo Tuhan made untuk umum, baik dimenetep nak di atepun tun diberkunjung. Bahkan bagi tun do bermaksud mnea kakok do menjurus mai kezaliman nak masjidil Haram o, akan Tuhan mlei sikso di amat pedih ne.

﴿٢٩﴾ إِنَّ الَّذِينَ كَفَرُوا وَيَصُدُّونَ عَن سَبِيلِ اللَّهِ وَالْمَسْجِدِ الْحَرَامِ الَّذِي جَعَلْنَاهُ لِلنَّاسِ سَوَاءً الْعَكْفُ فِيهِ وَالْبَادِ وَمَنْ يُرِدْ فِيهِ بِالْحَادِ بِظُلْمٍ نُدِقْهُ مِنْ عَذَابِ آيْمٍ ﴿٣٠﴾

26. Kinget ba ketiko Tuhan mpek Ibrahim nak taneak sucei o, Tuhan bepesen magea si: "Dibeak ba udi demuei Tuhan ngen sesuatu pun. Dan bersihkan ba umeak Tuhan o kunai berhala-berhala, untuk pelabei tun tawaf, pelabei tun kemakok semyang, rukuk dan sujud.
- وَإِذْ بَوَّأْنَا لِإِبْرَاهِيمَ مَكَانَ الْبَيْتِ أَنْ لَا تُشْرِكْ
بِي شَيْئًا وَطَهِّرْ بَيْتِيَ لِلطَّائِفِينَ وَالْقَائِمِينَ
وَالرُّكَّعِ السُّجُودِ ﴿٢٦﴾
27. Selanjut ne Tuhan bepesen: ajak ba manusio kemakok ibadah ajei, supayo tun dew berdatangan mai taneak suci, baik paneu kekea, maupun temegek uto, sekalipun payeak kerno berdatangan kunai berbagai pelosok di oak ne.
- وَأَذِّنْ فِي النَّاسِ بِالْحَجِّ يَأْتُوكَ رِجَالًا وَعَلَى كُلِّ
ضَامِرٍ يَأْتِينَ مِنْ كُلِّ فَجٍّ عَمِيقٍ ﴿٢٧﴾
28. Adepun guno tun berkunjung, ade ba supayo tobo o manek berbagai manfaat untuk ne dan madeak gen Tuhan nak lem beberapo bilei di bi tenteu, nak samping memujei ngen besyukur magea Tuhanatas jano-jano di nlei Ne magea tobo o berupo binatang ternak, lalu makanlah sebagian ne, serto kelei pebuk kulo tun-tun fakir di sengsaro ne.
- لِيَشْهَدُوا مَنَفَعَهُمْ وَيَذْكُرُوا اسْمَ اللَّهِ فِي أَيَّامٍ
مَّعْلُومَةٍ عَلَىٰ مَا رَزَقَهُمْ مِنْ بَهِيمَةِ الْأَنْعَامِ فَكُلُوا
مِنْهَا وَأَطِعُوا الْبَائِسَ الْفَقِيرَ ﴿٢٨﴾
29. Kemudian kelak ne tobo o membersihkan kotoran-kotoran di ade nak awak ne, menyempurnahkan nazar-nazar ne, kemakok tawaf nak keliling umeak tuei o.
- ثُمَّ لِيَقْضُوا تَفَثَهُمْ وَلِيُوفُوا نُذُورَهُمْ وَلِيَطَّوَّفُوا
بِالْبَيْتِ الْعَتِيقِ ﴿٢٩﴾
30. Do o ba di newajib magea udi nak lem urusan ajei. Dan api di menghormati larangan-larangan Allah, mako do o ba di lebeak baik bagi ne nak sisi Tuhan. Dan buleak bagi udi mbuk binatang ternak, kecuali jano di ginadeak haram magea udi. Selanjut ne keoak ba tingkah laku di coa baik, sembeak berhala, dan hindari perkataan dicoa baik.
- ذَٰلِكَ وَمَنْ يُعْظَمِ حُرْمَتِ اللَّهِ فَهُوَ خَيْرٌ لَهُ عِنْدَ
رَبِّهِ ۗ وَأُحِلَّتْ لَكُمْ الْبَهِيمَةُ إِلَّا مَا يُتْلَىٰ
عَلَيْكُمْ ۗ فَاجْتَنِبُوا الرِّجْسَ مِنَ الْأَوْثَانِ
وَأَجْتَنِبُوا قَوْلَ الزُّورِ ﴿٣٠﴾
31. Pegong tegu ba kete di nriteak Tuhan o ngen setulus-tulus ne atas namo ibadah, tanpa menyekutukan jano-jano dengan Si. Api di mempersekutukan sesuatu dengan Allah, si bak madep kemusnahan, seola-ola cucea berkeping-keping kunai lenget, lalu disambar
- حَتَفَاءَ اللَّهِ غَيْرِ مُشْرِكِينَ بِهِ ۗ وَمَنْ يُشْرِكْ بِاللَّهِ
فَكَأَنَّمَا خَرَّ مِنَ السَّمَاءِ فَتَخْطَفُهُ الطَّيْرُ أَوْ
تَهْوَىٰ بِهِ الرِّيحُ فِي مَكَانٍ سَحِيقٍ ﴿٣١﴾

burung, ateu laput besamo angin mai pelabei di oak.

32. Renung ke ba di model o, dan api di menghormati syiar-syiar agamo Allah, mako sesonggoak ne si terbilang taqwa.

ذَٰلِكَ وَمَنْ يُعَظِّمْ شَعَائِرَ اللَّهِ فَإِنَّهَا مِنْ تَقْوَى
الْقُلُوبِ ﴿٣٢﴾

33. Ade beberapa manfaat untuk udi tentang bintang kurban, hinggo batas waktu tertentu, selanjut ne pelabei sembeleak ne, ade ba sekita umeak tuei o.

لَكُمْ فِيهَا مَنَافِعُ إِلَىٰ أَجَلٍ مُّسَمًّى ثُمَّ مَحِلُّهَا إِلَى
الْبَيْتِ الْعَتِيقِ ﴿٣٣﴾

34. Bagi masing-masing umat di beragamo, bi nelel syari'at ibadah kurban, supayo tobo o sembut gen Tuhan pado waktau sembeleak ne dan bersyukur magea Si. Mako Tuhan udi ade ba Tuhan di Maha Esa, kerno o besereak direi ba magea Tuhan. Dan kelei ba berita gembira tun-tun di tuduk patuh magea priteak Tuhan.

وَلِكُلِّ أُمَّةٍ جَعَلْنَا مَنْسَكًا لِّيَذْكُرُوا اسْمَ اللَّهِ عَلَىٰ
مَا رَزَقَهُمْ مِنْ بَيْمَاتِهِ الْأَنْعَامِ ۗ فَاَلْهِكُمْ إِلَهُهُ وَاحِدٌ
فَلَهُدَا أَسْلَمُوا ۗ وَبَشِّرِ الْمُخْبِتِينَ ﴿٣٤﴾

35. Yakni tobo yang apo bilo nadeak gen Tuhan atei ne terasa kecut, mereka o sadar terhadap bencana yang baka menimpah, tobo o tetep kemakok semyang, dan menafkahkan sebagian jerkei dinlei Tuhan magea si.

الَّذِينَ إِذَا ذُكِرَ اللَّهُ وَجِلَّتْ قُلُوبُهُمْ وَالصَّابِرِينَ عَلَىٰ
مَا أَصَابَهُمْ وَالْمُقِيمِي الصَّلَاةِ وَمِمَّا رَزَقْنَاهُمْ
يُنْفِقُونَ ﴿٣٥﴾

36. Uto-uto dan sebangsa ne Tuhan made untuk udi, termasuk syi'ar-syi'ar agamo Allah. Ade beberapa manfaat didapet kai udi. Sebab o kadeak ba gen Tuhan waktau sembeleak hewan o, waktau si berdiri, besusun kekea ngen tangen ne neket. Amen si bi aboak berartei si bi matei sempurna, kebuk ba daging ne dan kageak fakir miskin di terhormat dan fakir-fakir diminta-minta. Wi o ba hal ne Tuhan menguntukkan binatang ternak o untuk udi, supayo udi bersyukur.

وَالْبَدَانَ جَعَلْنَا لَكُمْ مِنْ شَعَائِرِ اللَّهِ لَكُمْ فِيهَا
خَيْرٌ ۗ فَاذْكُرُوا اسْمَ اللَّهِ عَلَيْهَا صَوَافٍ ۗ فَإِذَا وَجَبَتْ
جُنُوبُهَا فَكُلُوا مِنْهَا وَأَطِعُوا الْقَانِعَ وَالْمُعْتَرَّ
كَذَٰلِكَ سَخَّرْنَاكُمْ لَعَلَّكُمْ تَشْكُرُونَ ﴿٣٦﴾

37. Daging-daging dan daleak binatang ternak o coa akan sapei magea Tuhan. Namun dibaka sapei magea Tuhan ade ba nilai ketaqwaan kunai atei udi. Wi o ba Tuhan menguntukkan binatang ternak o magea udi, supayo udi mengagungkan Allah berkenaan

لَنْ يَنَالَ اللَّهُ لُحُومُهَا وَلَا دِمَاؤُهَا وَلَكِنْ يَنَالُهُ
التَّقْوَىٰ مِنْكُمْ ۗ كَذَٰلِكَ سَخَّرَهَا لَكُمْ لِتُكَبِّرُوا اللَّهَ
عَلَىٰ مَا هَدَيْنَاكُمْ ۗ وَبَشِّرِ الْمُحْسِنِينَ ﴿٣٧﴾

dengen petunjuk ne ngen udi. Kemudian kageak berita gembira magea tun-tun di berbuat baik.

38. Sesonggoak ne Tuhan pasti membela tun-tun do berimen sebab Tuhan coa menyenagi penghianat-penghianat di coa nam bales budei.

﴿ إِنَّا لِلَّهِ يُدْفَعُ عَنِ الَّذِينَ ءَامَنُوا إِنَّ اللَّهَ لَا يُحِبُّ كُلَّ خَوَّانٍ كَفُورٍ ﴾

39. Diizinkan berperang bagi tun-tun yang diperangi, kerno tobo o bi ne aniayo. Sesoanggoak ne Tuhan amat bekuaso temulung tobo o.

﴿ أُوذِنَ لِلَّذِينَ يُقَاتِلُونَ بِأَنَّهُمْ ظَلَمُوا وَإِنَّ اللَّهَ عَلَىٰ نَصْرِهِمْ لَقَدِيرٌ ﴾

40. Tobo di ne aniaya o, ade ba tobo di bi nusir kunai kampung halaman ne tanpa alasan di benea, hanyo kerno tobo o madeak: "Tuhan keme, ade ba Allah" kaleu coa lak kerno pembelaan Allah terhadap manusio di sebagia ne teraniaya ulea keganasan di leyen, tentu bi noboak pelabei pertapaan Yahudi, gereja-gereja Nasrani, Gereja-gereja Yahudi dan mesjid-mesjid di dew, di nadeak gen Tuhan nak lem ne. Dan sesonggoak ne Allah pasti temulung tun-tun di temulung agama Ne. Bahwasane Allah songgoak-songgoak maha kuat dan tangguh.

﴿ الَّذِينَ أُخْرِجُوا مِنْ دِيَارِهِمْ بِغَيْرِ حَقٍّ إِلَّا أَنْ يَقُولُوا رَبُّنَا اللَّهُ ۗ وَلَوْلَا دَفْعُ اللَّهِ النَّاسَ بَعْضَهُمْ بِبَعْضٍ هَدَمْتَ صَوَامِعُ وَبِيَعٌ وَصَلَوَاتٌ وَمَسَاجِدٌ يُذَكَّرُ فِيهَا اسْمُ اللَّهِ كَثِيرًا ۗ وَلَيَنْصُرَنَّ اللَّهُ مَنْ يَنْصُرُهُ ۗ إِنَّ اللَّهَ لَقَوِيٌّ عَزِيزٌ ﴾

41. Tobo di bi nusir o, amen Tuhan mlei kedudukan do kuet nak muko bumei yo tobo o mengerjokan semyang, membayar zakat, mloak mnea kebaikan dan temgeak mnea di coa baik. Namun, nak tangen Tuhan kete akibat kete urusan.

﴿ الَّذِينَ إِنْ مَكَنْتَهُمْ فِي الْأَرْضِ أَقَامُوا الصَّلَاةَ وَءَاتَوْا الزَّكَاةَ وَءَامَرُوا بِالْمَعْرُوفِ وَنَهَوْا عَنِ الْمُنْكَرِ ۗ وَاللَّهُ عَاقِبَةُ الْأُمُورِ ﴾

42. Amen tun-tun musyrik o mendusta udi, mako sesonggoak ne kaum-kaum Nuh, 'Ad dan Tsamud seeti tobo o, bi pernah kulo mendustakan Rasul-Rasul ne.

﴿ وَإِنْ يُكَذِّبُوكَ فَقَدْ كَذَّبَتْ قَبْلَهُمْ قَوْمُ نُوحٍ وَعَادٌ وَثَمُودٌ ﴾

43. Wi o kulo kaum brahim ngen kaum Luth.

﴿ وَقَوْمُ إِبْرَاهِيمَ وَقَوْمُ لُوطٍ ﴾

44. Dan penduduk Madyan, bi samo-samo kulo mendustakan. Namun Tuhan mlei tenggang wakteu.

﴿ وَأَصْحَابُ مَدْيَنَ ۗ وَكَذَّبَ مُوسَىٰ فَأَمَلَيْتُ لِلْكَافِرِينَ ثُمَّ أَخَذْتُهُمْ ۗ فَكَيْفَ كَانَ نَكِيرِ ﴾

45. Bi kedeu-kedeu negerei do bi nemusnah Tuhan kerno kezaliman penduduk ne, shinggo ket-ket tembok umeak oboak melipit atep ne. bi kedeu-kedeu kulo somoa-somoa di bi ke ing ne, istana betiket do bi kosong kerno tun temwan ne bi cigei.

فَكَأَيِّن مِّن قَرْيَةٍ أَهْلَكْنَاهَا وَهِيَ ظَالِمَةٌ فَهِيَ
خَاوِيَةٌ عَلَى عُرُوشِهَا وَبِئْرٍ مُّعَطَّلَةٍ وَقَصْرٍ مَّشِيدٍ ﴿١٥﴾

46. Janokah tobo di mendustai Rasul o coa pernah laleu nak muko bumei yo supayo atei ne tersentak untuk meker kemusnahan yo, ateu mengiang nak ti uk ne untuk dapet tenngoa? Sebenea ne di buto iso si matei di ade nak uleu tapi atei nak dado ne.

أَفَلَمْ يَسِيرُوا فِي الْأَرْضِ فَتَكُونَ لَهُمْ قُلُوبٌ يَعْقِلُونَ
بِهَا أَوْ آذَانٌ يَّسْمَعُونَ بِهَا ۗ فَإِنَّهَا لَا تَعْمَى الْأَبْصَارُ
وَلَكِن تَعْمَى الْقُلُوبَ الَّتِي فِي الصُّدُورِ ﴿١٦﴾

47. Dan tobo o minai magea udi supayo sikso o genancang. Namun Tuhan coa kan menyalahi jajei Ne. sebenea ne debilei nak sisi Tuhan, samo dengan seribeu tahun nak lem hitungan.

وَيَسْتَعْجِلُونَكَ بِالْعَذَابِ وَلَنْ تُخْلِفَ اللَّهُ وَعْدَهُ ۗ
وَإِنَّ يَوْمًا عِنْدَ رَبِّكَ كَأَلْفِ سَنَةٍ مِّمَّا تَعُدُّونَ
﴿١٧﴾

48. Dan gi beberapo kedeu penduduk negerei Tuhan tangguhkan kemusnahan ne, tobo o tetap bae berbuat zalim kerno terlena uleak penangguhan o, kemudian baru Tuhan sikso. Namun ngen Tuhan ba kete ne kembali.

وَكَأَيِّن مِّن قَرْيَةٍ أَمَلَيْتُ لَهَا وَهِيَ ظَالِمَةٌ ثُمَّ
أَخَذْتُهَا وَإِلَى الْمَصِيرِ ﴿١٨﴾

49. Kadeak ba: “woi manusio musyrik di ijei urusan Tuhan, Tuha mlei peringatan untuk udi disifetne sangat nyato.

قُلْ يَتَّبِعُوا النَّاسُ إِنَّمَا أَنَا لَكُمْ نَذِيرٌ مُّبِينٌ ﴿١٩﴾

50. Dan tun-tun di berimen serto kemrejo perbuatan di baik, baka mendapet empunan Tuhan dan dapet rezki di mulio nak akhirat.

فَالَّذِينَ ءَامَنُوا وَعَمِلُوا الصَّالِحَاتِ لَهُمْ مَغْفِرَةٌ
وَرِزْقٌ كَرِيمٌ ﴿٢٠﴾

51. Sebalik ne tobo di berusaha menentang ayat-ayat Tuhan ngen dalen merintangi tun di lak mengikuti ajaran Nebei, tobo o baka jijej penghuni nerako.

وَالَّذِينَ سَعَوْا فِي آيَاتِنَا مُعْجِزِينَ أُولَٰئِكَ أَصْحَابُ
الْجَحِيمِ ﴿٢١﴾

52. Setiep Rasul ngen Nebei di nutus Tuhan se ati udi, amen si mbaco ayat-ayat Tuhan, mako setan pun temiboa kerguan nak lem atei di temngoa ne. namun Tuhan mapus keragu-raguan o, lalu Allah tabeak kemwet

وَمَا أَرْسَلْنَا مِنْ قَبْلِكَ مِنْ رَسُولٍ وَلَا نَبِيٍّ إِلَّا إِذَا
تَمَنَّى الْقَى الشَّيْطَانُ فِي أُمْنِيَّتِهِ فَيَنسَخُ اللَّهُ مَا

ayat-ayat Ne dan Allah Maha mengetahui dan maha bijaksana.

يُلْقِي الشَّيْطَانُ ثُمَّ يُحَكِّمُ اللَّهُ أَيَّتَهُ وَاللَّهُ عَلِيمٌ

حَكِيمٌ ﴿٥٧﴾

53. Tuhan menea demikian, untuk made keraguan di nade setan o sebagei cobaan, baik bagi tun-tun munafik di nak lem atei ne ade penyakit, maupun bagi tun engkar di atei kasar. Sesonggoak ne tun-tun zalim o sanget mosoak ngen nebei.

لِيَجْعَلَ مَا يُلْقِي الشَّيْطَانُ فِتْنَةً لِلَّذِينَ فِي قُلُوبِهِمْ مَرَضٌ وَالْقَاسِيَةِ قُلُوبُهُمْ وَإِنَّ الظَّالِمِينَ لَفِي

شِقَاقٍ بَعِيدٍ ﴿٥٨﴾

54. Lagi kulo supayo tun ber ilmeu namen bahwa ayat-ayat di tenu-un o adeba kebenaran kunai Tuhan. Lalu tobo o mempercayo ne, dan atei ne pun tunduk kulo. Tuhan temujuk tun berimen mai dalen di lu us.

وَالَّذِينَ الَّذِينَ أوتُوا الْعِلْمَ أَنَّهُ الْحَقُّ مِنْ رَبِّكَ فَيُؤْمِنُوا بِهِ فَتُخْبِتَ لَهُ قُلُوبُهُمْ وَإِنَّ اللَّهَ لَهَادِ

الَّذِينَ ءَامَنُوا إِلَىٰ صِرَاطٍ مُسْتَقِيمٍ ﴿٥٩﴾

55. Dan tun-tun engkar o selalu nak lem keraguan mengenai hal o, sapei teko saat kematian secaro mendadak, ateu teko magea si sikso bilei penyudahan.

وَلَا يَزَالُ الَّذِينَ كَفَرُوا فِي مِرْيَةٍ مِنْهُ حَتَّىٰ تَأْتِيَهُمُ السَّاعَةُ بَغْتَةً أَوْ يَأْتِيَهُمْ عَذَابٌ يَوْمٍ عَقِيمٍ

﴿٦٠﴾

56. Kekuasaan mutlak pado bilei o milik Allah. Allah temtep keputusan hukum di antaro tobo diberimen dan engkar, ngen ketentuan: tobo di berimen kemakok amal di baik, ade nak lem syurgo di penoak nikmat.

الْمَلِكُ يَوْمَئِذٍ اللَّهُ تَحْكُمُ بَيْنَهُمْ فَالَّذِينَ ءَامَنُوا وَعَمِلُوا الصَّالِحَاتِ فِي جَنَّاتِ النَّعِيمِ ﴿٦١﴾

57. Sedangkan tun-tun engkar serto mendusto ayat-ayat Tuhan, untuk tobo o sikso di menimbulkan hino.

وَالَّذِينَ كَفَرُوا وَكَذَّبُوا بِآيَاتِنَا فَأُولَٰئِكَ لَهُمْ عَذَابٌ مُّهِيبٌ ﴿٦٢﴾

58. Tun-tun di berhijrah nak dalen Tuhan lalu tobo o nonoak ateu matei, tentu tobo akan nlei pahalo di utamo nak syurgo. Sesonggoak ne Tuhan pemberi pahalo diterbaik.

وَالَّذِينَ هَاجَرُوا فِي سَبِيلِ اللَّهِ ثُمَّ قُتِلُوا أَوْ مَاتُوا لَيَرْزُقَنَّهُمُ اللَّهُ رِزْقًا حَسَنًا وَإِنَّ اللَّهَ لَهُوَ خَيْرُ

الرَّزَاقِينَ ﴿٦٣﴾

59. Tuhan akan memeiasukkan tobo di nonoak o mai lem syurgo, dan tobo o senang kulo. Sesonggoak ne Tuhan Maha namen dan maha penyantun.

لَيُدْخِلَنَّهُمْ مُدْخَلًا يَرْضَوْنَهُ وَإِنَّ اللَّهَ لَعَلِيمٌ

﴿٦٤﴾

60. Do o pahalo di utamo. Dan api di males serupo dengan knea tun terhadap ne, kemudian si ne aniaya, tentu Tuhan akan temulung si. Sesonggoak ne Tuhan maha pema'af dan pengampun.

ذَلِكَ وَمَنْ عَاقَبَ بِمِثْلِ مَا عُوقِبَ بِهِ ثُمَّ بُغِيَ عَلَيْهِ لِيَنْصُرَنَّهُ اللَّهُ إِنَّ اللَّهَ لَعَفُؤٌ غَفُورٌ ﴿٦٠﴾

61. Do o petulung Tuhan, dapet diyakini dengan meresapi, bahwasane ne Allah kuaso menyungkupkan kelmen penghalang kak bilei, dan sebalik ne menyungkupkan kak bilei penghalang kelmen. Lagi kulo, sesonggoak ne Tuhan Maha menengoa dan menganek.

ذَلِكَ بِأَنَّ اللَّهَ يُولِجُ اللَّيْلَ فِي النَّهَارِ وَيُولِجُ النَّهَارَ فِي اللَّيْلِ وَأَنَّ اللَّهَ سَمِيعٌ بَصِيرٌ ﴿٦١﴾

62. Kekuasaan dan ilmeu di awei o sempurna, ade ba kerno sesonggoak ne Tuhan, ade ba Tuhan di benea, sebalik ne api pet di sembeak seleyen Tuhan, do o ade ba batil, dan bahwasane Tuhan maha tinggi dan besar.

ذَلِكَ بِأَنَّ اللَّهَ هُوَ الْحَقُّ وَأَنَّ مَا يَدْعُونَ مِنْ دُونِهِ هُوَ الْبَاطِلُ وَأَنَّ اللَّهَ هُوَ الْعَلِيُّ الْكَبِيرُ ﴿٦٢﴾

63. Jano coa udi manek, bahwasane Tuhan temuun ujen kunai lenget, kerno ne ijei ba bumei yo mengijo segar? Sesonggoak ne Tuhan Maha teliti dan maha namen.

أَلَمْ تَرَ أَنَّ اللَّهَ أَنْزَلَ مِنَ السَّمَاءِ مَاءً فَتُصْبِحُ الْأَرْضُ مُخْضَرَةً إِنَّ اللَّهَ لَطِيفٌ خَبِيرٌ ﴿٦٣﴾

64. Milik Tuhan kete di ade nak lenget wi o kulo kete di ade nak bumei. Dan sesoanggoak ne Tuhan ade ba Maha kayo dan terpujei.

لَهُ مَا فِي السَّمَوَاتِ وَمَا فِي الْأَرْضِ وَإِنَّ اللَّهَ لَهُوَ الْغَنِيُّ الْحَمِيدُ ﴿٦٤﴾

65. Janokah coa udi manek, bahwasane Tuhan bi temuduk kete do ade nak bumei yo bagi udi, wi o kulo kapal dapet melitas lautan dengen periteak Tuhan untuk kepentingan udi kenai, dan kulo si ba di temaen benda-benda angkaso supayo coa cucea mai bumei, kecuali ngen izin Ne, sesoanggoak ne Tuhan Maha pengasih dan penyayang terhadap manusio.

أَلَمْ تَرَ أَنَّ اللَّهَ سَخَّرَ لَكُمْ مَّا فِي الْأَرْضِ وَالْفَلَكَ تَجْرَى فِي الْبَحْرِ بِأَمْرِهِ وَيُمْسِكُ السَّمَاءَ أَنْ تَقَعَ عَلَى الْأَرْضِ إِلَّا بِإِذْنِهِ إِنَّ اللَّهَ بِالنَّاسِ لَرءُوفٌ رَحِيمٌ ﴿٦٥﴾

66. Wi o kulo, Tuhan ba di midup udi, monoak udi, kemudian midup udi igei, namun manusio yo tetep bae engkar.

وَهُوَ الَّذِي أَحْيَاكُمْ ثُمَّ يُمِيتُكُمْ ثُمَّ يُحْيِيكُمْ إِنَّ الْإِنْسَانَ لَكَفُورٌ ﴿٦٦﴾

67. Bagi tip-tip umat bi tentep syari'at tertentu, di kenakok tobo o, mako sekali-sekali dang

لِكُلِّ أُمَّةٍ جَعَلْنَا مَنْسَكًا هُمْ نَاسِكُوهُ فَلَا

ba tobo o membantah udi nak lem urusan (syari'at) yo dan kloak ba magea agamo Tuhan udi, sesonggoak ne udi benea-benea ade nak dalen lu us.

يُنزِرُ عَلَيْنَا فِي الْأَمْرِ وَالْأَمْرِ وَإِدْعُ إِلَىٰ رَبِّكَ إِنَّكَ لَعَلَىٰ هُدًى مُّسْتَقِيمٍ ﴿٧٧﴾

68. Dan kaleu tobo o maseak membantah udi, kadeak ba: "Tuhan lebeak namen jano-jano di kenrejo udi."

وَإِنْ جَدَلْتُمْ بِالنَّاسِ فَذَكِّرُوا بِاللَّهِ عِلْمَ بِيَوْمِ الْحِسَابِ ﴿٧٨﴾

69. Tuhan akan menetapkan keputusan hukum nak antaro udi pado bilei kiamat mengenai persoalan di bi o pernah udi perselisihkan.

اللَّهُ يَخْتَلِفُ فِيهِ يَوْمَ الْقِيَامَةِ فِيمَا كُنْتُمْ فِيهِ يَخْتَلِفُونَ ﴿٧٩﴾

70. Janokah udi coa namen, bahwasa ne Tuhan mengetahui jano bae di ade nak lenget dan di ade nak bumei. Ilmeu Tuhan tentang o, bi tenulis nak lauhul mahfuzh. Sesonggoak ne hal-hal di awei o mu eak bagi Tuhan.

أَلَمْ تَعْلَمْ أَنَّ اللَّهَ يَعْلَمُ مَا فِي السَّمَاءِ وَالْأَرْضِ إِنَّ ذَلِكَ فِي كِتَابٍ ﴿٨٠﴾

71. Tun musyrik o sembeak seleyen Allah, semacam kebaktian di coa pernah ade tuntunan ne, coa ade keterangan tentang keharusan ca o o, bahkan pengetahuan tentang o kenai coa ade bagi tobo o, untuk tun-tun zalim o, coa ade tun di baka temulung kunai sikso Tuhan.

وَيَعْبُدُونَ مِن دُونِ اللَّهِ مَا لَمْ يَنْزِلْ بِهِ سُلْطَانًا وَمَا لَيْسَ لَهُم بِهِ عِلْمٌ وَمَا لِلظَّالِمِينَ مِن نَّصِيرٍ ﴿٨١﴾

72. Dan amen nebacao magea tobo o ayat-ayatquran di temwan kebenaran mutlak, keten nien kai udi tado-tado ke engkaran tertulis nak wajah ne, bahkan tun-tun di mbaco ayat-ayat Tuhan o, hampir kulo diserang ne. kadeak ke ba ngen si: "janokah akan ku kabarkan magea udi deu sesuatu di lebeak kidek kunai kebencian udi yo? Yakni nerako ! Tuhan bi jemajei untuk tun-tun di engkar." Do o ba pelabei menetep di paling kidek.

وَإِذَا تُلِيَتْ عَلَيْهِمْ آيَاتُنَا بَيِّنَاتٍ تَعْرِفُ فِي وُجُوهِ الَّذِينَ كَفَرُوا الْمُنْكَرَ يَكَادُونَ يَسْطُونَ ﴿٨٢﴾

بِالَّذِينَ يَتْلُونَ عَلَيْهِمْ آيَاتِنَا قُلْ أَفَأَنْتُمْ كُفَرُوا بِشَرِّ مِّنْ ذِكْرِ النَّارِ وَعَدَّهَا اللَّهُ الَّذِينَ كَفَرُوا وَيَسَّ الْمَصِيرُ ﴿٨٣﴾

73. Woi manusio, bi nenea perumpamaan mengenai Tuhan, lalu tengoa dan pahami baik-baik keadaan ne, yakni: kete di senbeak seleyen Allah o coa akan mampu menea dikup dalek pun, sekalipun tobo o bekerjo samo untuk o. bahkan kaleu dalek-dalek o merampas sesuatu kunai berhala o, tobo coa nam merebut ne igei kunai dalek o, sangat lemoak di sembeak dan lemah kulo di menyebak.

يَتَأْتِيهَا النَّاسُ ضَرْبٍ مِّثْلُ مَا سَمِعُوا لَهُ إِنْ الَّذِينَ تَدْعُونَ مِن دُونِ اللَّهِ لَن يَخْلُقُوا ذُبَابًا وَلَوْ اجْتَمَعُوا لَهُ وَإِن يَسْلُبْهُمُ الذُّبَابُ شَيْئًا لَا يَسْتَنْقِذُوهُ مِنْهُ ضَعُفَ الطَّالِبِ وَالْمَطْلُوبِ ﴿٨٤﴾

74. Tobo o coa menghalangi Allah secaro wajar, tapi Allah maha kuwet dan perkasa.

مَا قَدَرُوا اللَّهَ حَقَّ قَدْرِهِ ۗ إِنَّ اللَّهَ لَقَوِيٌّ عَزِيزٌ

VI

75. Allah temwan utusan-utusan kunai malaikat dan manusio sesonggoak ne Allah maha menengoa dan menganek.

اللَّهُ يَصْطَفِي مِنَ الْمَلَائِكَةِ رُسُلًا وَمِنَ النَّاسِ ۗ إِنَّ اللَّهَ سَمِيعٌ بَصِيرٌ

VO

76. Allah namen maso lalu ne wi o kulo maso di baka teko, dan hanya ngen Allah ba kete urusan o.

يَعْلَمُ مَا بَيْنَ أَيْدِيهِمْ وَمَا خَلْفَهُمْ ۗ وَإِلَى اللَّهِ تُرْجَعُ الْأُمُورُ

VI

77. Woi tun-tun do berimen, rukuk ba, sujud ba, dan sembeak ba Tuhan udi, serto kenea ba amal kebaikan semoga udi dapet kemenangan.

يَتَأْتِيهَا الَّذِينَ ءَامَنُوا أَرْكَعُوا وَاسْجُدُوا وَاعْبُدُوا رَبَّكُمْ وَافْعَلُوا الْخَيْرَ لَعَلَّكُمْ تُفْلِحُونَ

VV

78. Dan berjuang ba nak dalen Tuhan, sebenea-benea ne berjuang. Tuhan bi meleak udi nak antaro bangso di ade, dan Si coa made perkaro-perkaro di benek atas udi nak lem agamo yo, yakni agamo ninik puyang Ibrahim. Si bi jemolok udi ngen manusio-manusio muslim. Sejak kiteb-kiteb di dete wi o kulo kiteb yo, Tuhan menea di mudel o supaya Rasul Muhammad jije saksei atas udi pado bilei kiamat, dan udi pun ijei saksei kulo atas kete umat manusio. Kerno o kakok ba semyang, bayar ba zakat, dan bepegong ba ngen agamo Allah. Allah ade ba pelindung udi di baik, serto penulung di terbaik.

وَجَاهِدُوا فِي اللَّهِ حَقَّ جِهَادِهِ ۗ هُوَ اجْتَبَاكُمْ وَمَا جَعَلَ عَلَيْكُمْ فِي الدِّينِ مِنْ حَرَجٍ ۗ مِلَّةَ أَبِيكُمْ إِبْرَاهِيمَ ۗ هُوَ سَمَّاكُمُ الْمُسْلِمِينَ مِنْ قَبْلُ وَفِي هَذَا لِيَكُونَ الرَّسُولُ شَهِيدًا عَلَيْكُمْ وَتَكُونُوا شُهَدَاءَ عَلَى النَّاسِ ۗ فَأَقِيمُوا الصَّلَاةَ وَآتُوا الزَّكَاةَ وَاعْتَصِمُوا بِاللَّهِ هُوَ مَوْلَاكُمْ ۗ فَنِعْمَ الْمَوْلَىٰ وَنِعْمَ النَّصِيرُ

VIA